

Giu Banidi Vaitedi (Glossary)

A.D (Anno Domini)

Latin Kalinedimo niga giuna banina ba Yesu ena tubuġa kwalabuna a iyeiyevi wata. Ingilisimo ba *Year of the Lord*.

Anak (Anak or giants)

Lava nananaka, kaikaidakidi bi ġaiġailisidi Keinan dobunemo a miyamiya. Mousis tautigana 12 i giukamaġedi te Keinan dobuna maso a tigane bi laġannemo Anak lavedi a kitekitedi ba a naila. Bi Diyosuwa bi Keileb taudiġa Bada ai sumaġe te ġemoġemotina sa lauyovoġedi. *Nambas 13:1-3, 17-33 ko iyevi*

B.C (Before Christ)

Before Christ mba muliġa kaka Yesu ya tubuġana, ġome iyava ai tubu bi i yovo i nawa te dobu i tubutubuġana ġome i tava.

BADA (Yahweh)

Lava mote a ġoeġoe te Maimaituwa isana sa vato yababayabe, taunana aubaina laġannemo BADA a vatona ba edi vivila a waimaġati. Ĝibulu nophonemo tana isa otina kitana niga mainana: YHWH. Bi muliġa lava a gilumi vitale te niga mainana. YAHWEH Tada YAHWEH mote tama vatovato bi BADA ta vatovatona mba YAHWEH ta vatovato.

Bal (Baal)

Bal ba Keinan lavedi edi maimaituwa olotona isana bi waivinina ba *Asela*. Tedi edi sumaġemo Bal ba bayau maimaituwana.

Biliweloko (Prison, jail)

Ba gabu mba ġome lava i miya i mogumogu lava pekipekina aubaina. Gabuna ba guduguduna kenakenana bi lavana ġome i miyana eete a lau buwawa te soi sauginemo kaka a ka potiyovo, te lava vaitedi masagabomo i miya.

Bolu vanuwina (Synagogue)

Bolu Vanuwina i tubuġana banina Babilon lavedi a tava temple Yelusalemmo a koi suwa-suwa 587 BC nophonemo bi aniwaiġemota gabuna geġga. Taunana aubaina *Bolu Vanuwina* a ġala bi ġome a laulaupali, a wailovelove bi a waibolu. Mba vanuwidi nopolidiga olta geġga bi sewasewa ani gabuna geġga.

Buledi mote muu'a vaitena (Bread with no yeast)

Islael lavedi Idip a potipotiyovo kamaġena, tedi mote gavogavo te maso falawa muu'a vaitena a vitale te i lusa. Taunana aubaina Maimaituwa i giuwedi te (yeast) mote falawa vaitena sima gwadai, banina a waipapalana. Tana i giuwedi te kwalabu matabuna niga soina sa voiye wata ani lainoġotidi aubaina. Mba soinemo wiki pakanemo muu'a matabudi vanuwa ġemoġemotaġa nopolidimo sai naġasedi. (*Potiyovo kamaġa 12:14-20; 23:15; Mark 14:1*)

Buyobuyona (Anoint)

Islael lavedi laġannemo masi lava tunidimo a kailolona ba lavana sa vivile. Bi dabanemo a ġinina ba waibada dididiga i vai, maibena Samuwel Sol dabanemo masi i ġinina ba tana ġalibona i tubuġa.

Giugiukamağedi (Apostle)

Gulik kalinedimo giu *apostle* banina ba giugiukamaġedi. Ingilisimo ba *sent ones*.

Iyoyoga (Hell)

Ba yoġiyogi ani wai naġasedi bi ani gabudi gabuna.

Keliso (Christ)

Gulik kalinedimo ba *Christ* bi Ĝibulu kalinedimo ba *Messiah*, bi banidi ġemotina. Maibena tada kalinademo *Vinevine kamaġena*. Taunana aubaina buka nophonemo bamo ġome Christ ba *Keliso* bi *Messiah* ba *Vinevine kamaġena*.

Kwapibwali (Circumcision)

Banina ba mataila Maimaitua ena waianina ena lava lisidimo. Maimaituwa Ablaġam i giuwe te ena tubulelesa yai lovedi te niga kauwina sa voiye. Laġannemo libilibi oloolotodi sa tubuġa ba lagan 8 mulinemo kuti mudukwapina sa bwali ġavuki. Niga kauwina a voiye te tana ena dam sa tubuġa ee ena lava otidi. (*Pakanemo 17:10-14*)

Mana (Manna)

Mana ba kani isana, kalakalalelemo Maimaituwa Islael lavedi olaolala onena i vitedi bi a kanikani. Bi suwala i poupouididina ba mana a laulaulesalesa. Tedi kalinedimo giu *mana* banina ba *niga bai*. Banina a kita bi mote a sibe. Bi Keinan dobunemo a tavatavana ba mana kanina a kaigose. (*Potiyovo kamaġa 16:4, Diyosuwa 5:10-12*)

Olta (Altar)

Dolinemo Diu lavedi ba gasagasana a voiye bi edi sewasewa a laulaupuyoedi. Muliġa Mousis ena laġannmo Maimaituwa ena giu luvanemo palai waiyawa nophonemo *olta* blonsimo a voyiedi te ġemota palai nophonemo piupiu ani

gabuna bi ġesauna palai matanemo sewasewa anigabuna.

Pali vanuwina (Temple)

Pali vanuwina ba Ingilisimo *temple*. Buka noponemo ba pali vanuwina ya kenakena. Niga taunana Deivida natuna Solomon i ġala. Buka noponemo gabu ġesaudimo ba *Maimaituwa ena vanuwa* ya kenakena.

Palisi (Pharisees)

Diu damna nopodimo Palisi ba dam ġemota dididiga otina. Tedi sa ġoēgoe te waiġake matabuna sa kaiwata kauwe. Laġannemo waiġake tauwailovelovena scribes waiġake a gilumidina ba edi lava palisi ai aninedi te a kaikaiwata kauwedni.

Palai waiyawa (Tabernacle, Tent)

Maimaituwa Mousis i giuwe te palai waiyawa sa voiyena ba ani waitaubanava aubaina ee mayavaina aubaina. Mba palaina nponemo ba guduboyo i waidawe te nakanaka labu, niga nevanemo bi noko nevanemo. Niga nevanemo ba *kwadam kaina, bena bi olta ba piupiu ani gabuna*. Bi noko nevanemo waianina bogesina i kenakena. Bi laġannemo modina aubaina ba palaina a noku te a avali a nawanawa Maimaituwa kalinana luvanemo.

Pilisi sağasağä guletina (High Priest)

Niga pilisina nadonemo pilipilisi a miyamiya, tedi taudidi lava edi sewasewa a gabugabudi bi palai waiyawa nponemo a sağä a noyanoya bi mote guduboyo mulinemo. Guduboyo mulinemo ba Pilisi sağasağä guletina taunağä i sağasağä. Tana ġamoġamo kwasinina i vai te i sağä bi lava

aubaidi bi kota tana aubaina i laulausewasewa, kwalabu ġemogemotaġa nopolimo. (*Gibulu 9:6-7*)

Pentikost soina (Pentecost)

Isa Pentikost banina ba laġan 50. Wawaitauli soina mulinemo a miya laġan wai 50-nemo niga soina a voivoiye.

Sadisi (Sadducees)

Diu damdi nopolimo Sadisi ba dam ġaubona. Niga lavedi ba Mousis ena buka taunaġa a waisumaġedi bi a iyeiyevi bi buka ġesaudi geġa. Tedi pekimo kenamoito munaġa mote a waisumaġe.

Sisa (Caesar)

Tana Taunana Natuna (Son of Man)

Niga giuna Ingilisimo *Son of Man* ba Daniyela ena bukamo ya kenakena. Daniyela wailove i kitana ba oloto i nato Maimaituwa matanemo bi dobu matabuna waibadaena ġailisina i vai. Bi Bamoda ta giuna gado, “Lava Natuna” ba kitana bena Yesu dobu taunaġa lavana. Taunana aubaina ta giuna gado, TANA TAUNANA NATUNA. Tana malamo bi dobumo aubaida ya waibada. (*Daniyela 7:14,27*)

Taugiuwatana (Prophet)

Taugiuwatana ba Maimaituwa kalinana taugiuwena. Bi walisaugemo mwali bai matademo ya natonatona a gei giuwe muliġa kaka ya tubuġa.

Wawaitauli soina (Passover)

Niga soina nopenemo Diu lavedi edi noġota i munaġa te wala Idipmo Bada bainewa i waiyawasanidi bi Idip a potiyovo kamaġena tau-nana a noġonogoġti. Banina laġannemo aneya i tava bi kwasina gudu modonemo i kitana ba

vanuwina i *vawaitauli* te i nawanawa ota. Niga soina ba kwalabu matabuna a voivoiye.

Waiāke tauwailovelovena (Scribes, Teachers of the Law)

Tedi taudidi waiāke taugilumidi bi kota lava a wai lovelovedi. Maimaituwa giuna lava ai nuwanainena ba tedi lisidimo a nawa bi a wailovelovedi. Bi bolu vanuwinemo tedi vaitedi a waibabada.

Waianina (Covenant)

Giu *Waianina* ba bainewa ta koi luvae. Eda vaivaimo

Waianina bogesina (Ark, Covenant Box)

Mba bogesina nopona bi taulina matabuna goldimo a pati yaġosi. Bogesi nophoneno ba ġakima tabetabedi labu a kenakena bi dabedimo waiāke 10 gilugilumidi. Maimaituwaena giu luvanemo laġonnemodina a waitubu, ġalavu ġesauna nawa aubaina, ba Livai damna lavedi a avali bi a dolidoli. Mba bogesina ba *waianina matailina* Maimaituwa bi lava mododimo.

Tauyewa (Tomb)

Wala ba po'a nananakidi gubedi nopodimo lava pekipekidi a nawa a wai dubudi. Mba gabuna taunana isana *tau'yewa* poo'a doudou wai nononemo Yesu a sako.

**Giu visuvisuna
Portions of the Holy Bible in the Kakabai language of
Papua New Guinea
Buk Baibel long tokples Kakabai long Niugini**

copyright © 2010-2023 Wycliffe Bible Translators, Inc.

Language: Kakabai

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2024-10-11

PDF generated using Haiola and XeLaTeX on 18 Mar 2025 from source files dated 11 Oct 2024

8614ef9e-7279-5fda-a20a-4c1b45b2f51a